



Sarajevo, 06.04.2022.

PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE
n/r predsjedavajućeg

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 06-04-2022

Organizaciona jedinica	Klasifikaciona oznaka	Redni broj	Broj priloga
01-	50-1-	15-28	22

U skladu s članom 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15, 78/19, 26/20) postavljam sljedeće

POSLANIČKO PITANJE

1. Kada će Vijeće ministara BiH ispoštovati zaključke Predstavničkog doma Parlamentarne skupštine BiH i konačno ispuniti svoju zakonsku obavezu da u Parlamentarnu skupštinu BiH dostavi novu listu od sedam kandidata za Vijeće Regulatorne agencije za komunikacije (RAK) BiH ?

Obrazloženje:

Javni konkurs za provođenje postupka imenovanja članova Vijeća RAK-a BiH raspisan je 11. novembra 2020. godine. Prošlo je tačno 17 mjeseci od raspisivanja javnog konkursa, a procedura imenovanja članova Vijeća RAK-a nije završena, čime je na drastičan način prekršen Zakon o komunikacijama BiH.

Aktuelno Vijeće RAK-a, kome je davno istekao mandat, radi u krnjem sastavu, sa svega pet članova, budući da su dvojica članova Vijeća RAK-a BiH podnijeli ostavke. Predstavnički dom na 20. sjednici, održanoj 25. maja 2021. godine, obavio je raspravu o Prijedlogu odluke o imenovanju Vijeća RAK-a, koju je predložilo Ministarstvo komunikacija i prometa BiH, odnosno Vijeće ministara BiH. U raspravi o ovom Prijedlogu odluke poslanici su izdvojili sporna imena sa predložene liste, govorili su o sukobu interesa pojedinih kandidata, političkim vezama, kompromitovanim kandidatima, neispunjavanju posebnih uslova konkursa... U konačnici, Dom je usvojio zaključak koji glasi: „Imajući u vidu raspravu vođenu u Predstavničkom domu PSBiH u vezi s imenovanjem Vijeća RAK-a, predlažemo da se odlučivanje odgodi i Prijedlog odluke vrati Vijeću ministara BiH (Ministarstvu komunikacija i prometa BiH) radi razmatranja ispunjavanja određenih zakonskih uvjeta“. Na ovaj način poslanici vladajuće koalicije očigledno su priznali greške koje je, provodeći konkursnu procedura, napravila Ad hoc komisija Parlamentarne skupštine BiH za provođenje postupka imenovanja Vijeća RAK-a BiH i dala priliku Vijeću ministara BiH da sa liste od 14 uspješnih kandidata ispravi greške i nezakonitosti na koje je upozoreno u iscrpnoj

raspravi u Predstavničkom domu. Ta prilika je, očigledno, propuštena jer je prošlo deset mjeseci od usvajanja citiranog zaključka u Predstavničkom domu, a mi još uvijek nemamo novi Prijedlog odluke Savjeta ministara BiH o ovom imenovanju.

Naglašavam i to da je Predstavnički dom na 21. sjednici, održanoj 15. juna 2021. godine usvojio još jedan zaključak u vezi sa predloženom listom kandidata za Vijeće RAK-a BiH, a koji glasi: „S obzirom na to da nisu ispoštovane odredbe konkursne procedure, te Zakon o ravnopravnosti spolova, predlažemo da se ne glasa o listi, te da je vratimo Vijeću ministara BiH na doradu.“ Ovim zaključkom Predstavnički dom jasno ukazuje i na činjenicu da među predloženih sedam kandidata za članove Vijeća RAK-a BiH nije bilo nijedne žene, čime su prekršene odredbe Zakona o ravnopravnosti spolova. Vijeće ministara BiH također ima priliku da ukloni ovaj ozbiljni nedostatak, budući da se među 14 uspješnih kandidata nalazi i jedna žena.

Pitanje postavljam ministru prometa i komunikacija Bosne i Hercegovine

Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine BiH.

Poslanik SDP BiH
Saša Magazinović

